

卷
捌

第三本

新
增
全圖足本醫宗金鑑

海
局書新
行發



御纂醫宗金鑑卷七

編輯外科心法要訣

幽 癰 圖

腹部

幽癰



幽癰在臍上七寸

幽癰臍上七寸生初小漸大腫硬疼憂思厚味火毒發咬牙寒戰毒陷攻
此證生臍上七寸初起如粟漸增漫腫疼痛形如鵝卵甚則堅硬痛牽胸肋由
過食膏粱厚味憂思氣結腸胃不通火鬱成毒自內而外發也初起腫痛皮色
未紅時若心煩嘔噦脈沉實者當疎火毒以絕其源宜內疎黃連湯服之焮腫

痛甚邪氣實也宜服託裏散外用艾壯隔蒜片灸之脈見沉遲其膿未成用補中益氣湯託之脈見洪數其膿已成用託裏透膿湯膿熟脹痛不潰係氣血虛也急用十全大補湯溫補之外兼用卧鍼開卧鍼者斜入斜出防傷內膜也或誤行汗下或誤敷寒涼以致腫而不潰潰而不斂者急用十全大補湯加乾薑附子以救之已潰朝寒暮熱者氣血虛也食少作瀉脾胃虛也胸痞痰涌脾肺虛也俱服六君子湯服後諸證悉退換十全大補湯調理即愈外治之法按癰疽腫瘍潰瘍門無論已潰未潰忽咬牙寒戰係氣虛不能勝毒毒陷攻裏之飛或潰後膿水忽多忽少瘡口如蟹吐沫者係內膜已透俱為逆證

託裏散

皂刺

金銀花

黃芩

牡蠣

煅

當歸

赤芍

朴硝

大黃

花粉

連翹

各等分
去心

共研粗末每用五錢酒水各一鍾煎八分去渣服

方歌

託裏散醫諸瘡毒腫甚焮疼煎服消 皂刺銀花苓牡蠣歸芍硝黃花粉

翹

內疎黃連湯

見腫
瘍門

隔蒜灸法

見首
部

託裏透膿湯

見頭
腦部

補中益氣湯

十全大補湯

六君子湯

即香砂六君子湯減去木香砂仁俱見潰瘍門

中脘疽圖

中脘疽

中脘疽在臍上四寸



南京中醫藥大學圖書館藏

中脘疽由胃火生臍上四寸隱隱疼堅硬漫腫無紅熱食不嘔噦毒內攻
 此證一名胃疽發於心胸之下臍上四寸任脈經中脘穴隱痛日久向外生疽
 堅硬漫腫皮色無紅無熱由過食炙燂以致胃腑火毒而成人迎脈盛是毒氣
 攻裏作嘔不食欬嗽膿痰者逆初宜服仙方活命飲色紫堅硬宜服山甲內消
 散膿勢將成內外治法俱按癰疽腫瘍潰瘍門若起長膿遲或瘡不炊痛者急
 用艾壯隔獨頭蒜片置患上灸之回陽

山甲內消散

穿山甲

三片大

當歸尾

大黃

甘草節

各三錢

土木鼈三個

黑牽牛

殭蠶各一錢炒

酒水各一鍾煎八分空心服


渣再煎服大便行三四次方食稀粥淡味調理

方歌 山甲內消火毒積色紫堅疼中脘疽歸尾大黃殭草節木鼈牽牛加酒宜

仙方活命飲

見腫瘍門

嚇癰圖



嚇癰生在臍上三寸


嚇癰

嚇癰七情鬱火成臍上三寸粟微紅暴腫焮痛二七潰頂陷色黑潰遲凶
此證由七情鬱火凝結而成生臍上三寸屬任脈經建里穴初如粟米瘡痛相

註

兼其腫迅速寒熱往來甚則嘔噦牽引臍痛初腫微紅頂尖根束漸透赤色時痛時止十四日潰膿者順若頂陷紫黑根脚漫腫面赤大渴脈見浮數而散大者逆內治與幽癰參考外治法按癰疽腫瘍潰瘍門

衝疽圖



衝疽在臍上二寸

衝疽

衝疽臍上二寸生心火毒熾入腎紅高腫焮痛速潰吉若見七惡定然凶
 此證生於任脈臍上二寸下腕穴一名中發疽又名壅腎瘡由心火熾盛流入
 腎經而成色赤高腫應在二十一日潰破膿稠受補者順初宜瘡科流氣飲或
 仙方活命飲消之膿將成時內外治法俱按癰疽腫瘍潰瘍門其證若平塌紫

黑膿水清稀七惡證見者逆

瘡科流氣飲

見背部
痰注發

仙方活命飲

見腫
瘍門

臍

癰

圖



臍癰生在肚臍

臍癰

附臍中
出水

臍癰毒發在臍中腫大如瓜突若鈴無紅熱宜蒜灸稠膿為吉污水凶〔註〕

此證由心經火毒流入大腸小腸所致生於臍中屬任脈經神闕穴此穴禁鍼腫大如瓜高突若鈴無紅熱最宜隔蒜灸之初宜服仙方活命飲加升麻消之便結實者內疎黃連湯通利之將欲成膿內外治法俱按癰疽腫瘍潰瘍門潰後得稠膿者順時出污水臭穢者逆亦有臍中不痛不腫甚癢時流黃水此

屬腸胃濕熱積久宜服黃連平胃散外用三妙散乾撒滲濕即愈當忌酒麪生冷果菜不致再發若水出不止者亦屬逆

黃連平胃散

黃連 錢五

陳皮

厚朴 各三錢 蔓妙

甘草 二錢 生

蒼朮 炒一兩

共研細末每服三錢白滾水調服

〔方歌〕黃連平胃散陳甘厚朴蒼朮共細研專除濕熱兼消積能令臍水立時乾

三妙散

檳榔

蒼朮 生

黃蘗 各等分生

共研細末乾

撒肚臍出水津淫成片止癢滲濕又治濕癬以蘇合油調搽甚效

〔方歌〕三妙散用檳榔蒼黃蘗同研滲濕瘡蘇合油調治濕癬收乾止癢效稱

強

隔蒜灸法

見首卷灸法

仙方活命飲

內疎黃連湯

俱見腫瘍門

少腹疽

少腹疽生臍下邊證由七情火鬱纏高腫紅疼牽背易漫硬陷腐水膿難〔註〕

此證由七情火鬱而生每發於氣海丹田關元三穴氣海在臍下一寸五分丹田在臍下二寸關元在臍下三寸皆屬任脈經此三穴或一穴發腫即為少腹

少腹疽圖



少腹疽

疽高腫紅活疼痛牽背易潰稠膿者易治若漫腫堅硬綿潰腐爛膿稀如水者
 難治凡遇此證初起急用艾灸腫頂七壯至三七壯以痛癢通徹為度宜服仙
 方活命飲氣實之人大渴便秘者宜服內疎黃連湯通利之老弱之人宜服內
 補十宣散令其速潰若潰遲恐透內膜外治法同癰疽腫瘍潰瘍門

仙方活命飲

內疎黃連湯

俱見腫瘍門

內補十宣散

見胸部癰疽

腹皮癰

腹皮癰生腹皮內皮裏膜外腫隱疼腹痛不止膿成候證由膏梁鬱火生〔註〕
 此證生於腹皮裏膜外無論左右隱疼日久後發癰腫於皮外右關脈見沉數

腹皮癰圖



腹皮癰左右皆同

而腹痛甚者是其候也由膏梁火鬱而成初起壯實者用雙解貴金丸下之虛弱者減半用之不應再服半劑凡下之後腹痛不止膿將成也急用託裏透膿湯潰後與癰疽潰瘍門治法相同不可過用剋伐之劑若希圖消散過傷胃氣則腫不能潰潰不能斂立見危亡矣

雙解貴金丸

見腫瘍門

託裏透膿湯

見頭面部侵腦疽

緩疽

緩疽脾經氣積凝少腹旁生堅又疼數月不潰生寒熱食少削瘦效難成〔註〕此證由太陰脾經氣滯寒積而成生於少腹之旁堅硬如石不紅不熱痛引腰

腿數月不潰若兼食少削瘦者屬敗證但不可棄而不治初宜服山甲內消散
 不應不可強消徒損胃氣以十全大補湯加烏藥附子胡盧巴溫補之外用木
 香餅熨之兼用獨頭蒜搗爛鋪於患上艾壯灸之以知熱為止次日再灸以或
 消或潰為效若潰後即按癰疽潰瘍門治法

山甲內消散

見中脫疽

十全大補湯

見潰瘍門

木香餅

見乳部乳中結核

緩

疽

圖



緩疽在少腹之旁

腋部

腋癰

腋癰暴腫生腋間腫硬焮赤痛熱寒肝脾血熱兼忿怒初宜清解潰補痊

註



此證一名夾肢癰發於腋際即俗名脫肢窩也屬肝脾血熱兼忿怒而成初起暴腫焮硬色赤疼痛身發寒熱難消必欲作膿初宜服柴胡清肝湯外敷沖和膏疼痛日增宜服透膿散加金銀花甘草節桔梗膿脹痛者鍼之已潰內外治法俱按癰疽潰瘍門此證首尾忌用寒涼中年易愈老弱之人難痊

柴胡清肝湯 見頭部

沖和膏

透膿散 俱見腫瘍門

腋癰圖



腋癰生在脫肢窩居中左右皆同

腋疽

腋疽初起若核形肝志脾憂氣血凝漫腫堅硬宜蒜灸日久紅熱潰先疼註此證一名米疽又名疔疽發於脫肢窩正中初起之時其形如核由肝脾二經



憂思恚怒氣結血滯而成漫腫堅硬皮色如常日久將潰色紅微熱疼痛也初宜艾壯隔蒜片灸法內服柴胡清肝湯加烏藥消之虛弱之人宜服香貝養榮湯外用烏龍膏敷之早治或有全消者遲則膿成宜服託裏透膿湯膿脹痛者鍼之膿出痛減隨患者虛實補之其餘內外治法俱按癰疽潰瘍門此證初終

隔蒜灸法

見首卷灸法

柴胡清肝湯

見頭部

香貝養榮湯

見項部上石

烏龍膏

見腫門

託裏透膿湯

見頭部

腋疽生在肘腋窩居中堅硬潰遲左右皆同

腋疽圖



黯疔

黯疔藏於腋下生肝脾火毒癢而疼寒熱拘急色紫黑急按疔門治即寧
此證生於腋下由脾肝二經火毒而成堅硬勢若釘頭癢而且痛寒熱往來四肢拘急其色紫黑煩躁作嘔痛引半身宜服麥靈丹其次內外急按疔門治之即愈

麥靈丹

見腫瘍門

黯疔圖



黯疔生在肱肢窩堅硬色紫按之如釘頭

肋部

肋疽

肋疽始發屬肝經火毒鬱怒結腫形紫痛梅毒甚如盔急宜鍼砭免內攻〔註〕
 此證一名夾熒疽生於肋條骨間由肝經火毒鬱怒結聚而成初如梅毒漸大
 如盔色紫焮痛連及肩肘患在左痛牽右肋患在右痛牽左肋二十一日之內
 膿潰稠黏者順屆期不潰既潰出清水者逆初腫急宜磁鍼砭出紫血庶免毒
 氣攻裏砭後赤腫痛甚煩躁脈實作嘔為有餘之證宜服雙解貴金丸下之腫
 硬不潰宜服透膿湯脈弱作嘔此胃虛也宜服香砂六君子湯補之亦有痛傷
 胃氣而作嘔者即同胃虛治之若感受寒邪及偶觸穢氣而作嘔者雖腫時尤
 宜壯胃助氣為主蓋腫時作嘔因毒氣內侵者十有一二停飲內傷者十有八
 九惟醫人臨證詳辨之膿熟用卧鍼開之餘按癰疽潰瘍門治法

雙解貴金丸

透膿散俱見腫瘍門

香砂六君子湯凡潰瘍門

肋疽圖



淵疽圖



淵疽在腋下三寸堅硬不紅

淵疽

淵疽肝膽憂恚成生於肋下硬腫疼潰破有聲內膜透未潰當服護膜靈〔註〕此證因憂恚太過以致肝膽兩傷而成生於肋下初起堅硬腫而不紅日久方潰得稠白膿者順如豆漿水者險瘡口有聲似乎兒啼此屬內膜透也即於陽陵泉穴灸二七壯其聲即止穴在膝臑骨外膝下一寸陷中蹲坐取之即得內服護膜散可免透膜之患

護膜散

白蠟

白及
各等分

共研細末輕劑一錢中劑二




外科法要訣

錢大劑三錢黃酒調服米湯亦可

膜
[方歌] 護膜散內二味藥白蠟白及為細末或酒或以米湯調將膿預服不透

內發丹毒圖



內發丹毒生於肋骨延及腰胯色赤如霞遊走如雲

內發丹毒

丹毒肝脾熱極生肋上腰胯赤霞形急宜砭出紫黑血嘔噦昏脹毒內攻
此證由肝脾二經熱極生風所致生於肋骨延及腰胯色赤如霞遊走如雲痛
如火燎急向赤腫週圍砭出紫黑血以瘦牛肉片貼之羊肉片亦可其毒即可
減半初服雙解貴金丸汗之次服化斑解毒湯投方應病者順若嘔噦昏憤胸

南京中醫藥大學圖書館